

نورک

بجوراء ملک حاکمیت

ضبط اورنجی اجتماع

بوزیتش یدنجی اجتماع
۲۰ کانون اول ۱۳۳۹ جمعہ ایرتسی

ضررجات

— ضبط سابق خلاصہ سی
— اوزاق واردہ .

برنجی جلسہ

بدا مذاکرات
دقیقہ ۲۰
ساعت ۱

[رئیس — ایکنجی رئیس وکیلی موسی کاظم افندی حضرتلری]
کاتبیر : سلیمان سری بک (یوزغاد) ، ابراہیم بک (ماردین)

ریاستدن صوریلیر . بنده کزک سؤالم هیئت جلیلہ لرینک
نظامنامہ داخلی ایلہ مقید اولان هیئت تشریحہ سنہ متوجه
دکلدی . بنده کزک سؤالم ، هیئت جلیلہ لرینک اجرائی
صلاحیتنه توجیہ ایدلمشدی . بناءً علیہ بوصفتہ یاییلان سؤال لارک
ماہیتنی نظامنامہ داخلی احکامیلہ تقیید ایتمک دوغری اولہ ماز
اونک ایچون دیورم کہ مادام کہ بوسؤال هیئت جلیلہ لرینک
اجرائی حقنه قارشلی ایراد ایدلمشدر . او حالہ اجرا
صفتیلہ مسئلہنی حل ایتمک لازم کلیر . بناءً علیہ ؛ بنم بو
خصوصده کی مطالعم ایلہ نافعہ وکیلی بکک ویردیکی
جوابلرک عائدتی جهتیلہ سزک نامکزه نافعہ انجمنسنده
تدقیقنی ونتیجہ سنک سزه عرضنی تکلیف ایدیورم
وبوده هیئت جلیلہ کزک اجرائی صفتیک مقتضیاتنددر .
بو خصوصده برتقریرم وارددر . ناصل آرزو بویوررسہ کز

ضبط سابق مخصوصہ سی :

رئیس — افندم ! جلسہنی کشاد ایدیورم . ضبط
سابق خلاصہ سی اوقونہ جقدر . (ضبط سابق
خلاصہ سی اوقوندی) ضبط سابق حقندہ سوز ایستہ یں
وارمی ؟

سری بک (ایزمیت) — افندم ! ضبط سابق
حقندہ سوزم وارددر . نظامنامہ داخلیمز موجبہ
بمبعوث طرفندن هیئت وکیلہ دن برذات حقندہ یاییلان
سؤال بورادہ ایضاح ایدیلیر . وکیل عائدی جواب ویرر .
سؤالک مالی نہ قدر اوزون اولورسہ اولسون اصولاً یالکز
سائل ایلہ مسؤل آرہ سنده بمحاورہ جریان ایدر . بوکا
هیئتدن برذاتک اشتراکی جائز دکلدر . ونتیجہده ویریلن
جواک سائل نزدیکہ درجہ کافیہده اولوب اولمادینی مقام

اویله اولسون . (قبول سسلری)

نافعه وکیلی فیضی بك (دیاربکر) — افندم ! نظامنامه داخلی موجبجه سؤاللر سائل ایله وکیل آره سنده جریان ایدر . شمدی یه قدر مجلسک تعاملی و دنیانک قوانینی بویوله در .

سری بك افندینک بویوردقاری ، نظامه داخلینک بر ماده سنک تعدیلدر . بناء علیه نافعه انجمنه حواله ایدیله جک هیچ برشی یوقدر . سؤاللرینه جواب ویردم . اکر کندیلری کافی کورمیورسه باشقه بر ماده تعیین ایدرک استیضاح تقریری ویرسونلر . اوکا کوره بنده کزده جواب ویریم

مدیریت عمومی بویورایمی کتیرم ، باشقه یرمی دیورلر . مدیریت حقنده برشی بیان ایتمه یورلر . بونک بوراده اولسیله اسکیشهرده اولماسنده برشی کورمیورم . مرکز اسکیشهرده در دیوروز . کندیلی دیورکه ، آنقریه نقل ایدلسونده ، هیئت جلیله کز قوتتول ایتسون . هیئت علیه کز ، هر دائره یی ناصل قوتتول ایدیورسه بونی ده اویله قوتتوله حق واردر . وکالت ، قوتتول وظیفه سی ایفا ایتمه یورسه ماده تعیین ایتسونلر . مدیریت عمومی نک بوراده اولسیله اسکیشهرده اولسی آره سنده نه فرق واردر ؟ بنده کزجه دیدکلری شینک بوکا شمولی یوقدر . بومسئله ، نظامنامه داخلینک تعدیلنه عانددر . سری بك (ایزمیت) — بنده کزک مجلس عالی یه مراجعتم ، صفت اجراییه سی اعتباریله در .

جیل بك (کوتاهی) — افندم ! بنده کزک سؤاللریمه عاندنجشبه کونی مالیه وکیلی بك طرفندن ویریلن جوابلر بویرایه کاملاً کچمه مشدر . بوسؤاللر اوچدی : بریمی تداول ایتمکده اولان مسکوکات مغشوشه نک مدت قانونیه سی بیتمشدردن باحثدی . بوندن سکز آی اول تمدیدمدت تداول حقنده مالیه وکالتی طرفندن مجلسه بر لایحه ویرلش وبوسکز آی مدت ظرفنده حالا مجلسدن چیقمه مش شو حاله کوره دیمک که مغشوشه لر حالا قانونسز تداول ایدیور . ایکنجیسی اشغال آلتنده قالمش و اشغال آلتنده

بولوندیغی مدتیجه دشمن طرفندن کندیلرینه تقاعد معاشی ویرلمش و بک سفیل بر حاله یاشامش اولان متقاعدینه عانددی . طبیعی مالیه وکیلی بك بوکا موافق جواب ویردی . چونکه « بکا بر قانونه مساعده ویرلدکجه بن ، بوقیل متقاعدینه پاره ویریم » دیدی اوت مشارالیه بونده حقیدر . اوچنجیسی آماسیه استقلال محکمه سی طرفندن خیانت وطنیه سی دولایسیله اعدامه محکوم ایدیلن اختیار اوغلی علسکساندروسه عاندینه او محکمه قراریله بوتون اموال منقوله و غیر منقوله سنک خزینه طرفندن مصادره سی نتیجه سی ارلهرق مرقوم علسکساندروسه عاند اولان (۱۶۰) رأس دومنک وسائر اموالک نه اولدینی و نزه یه کیتدیکیدر .

حمدی بك (کنج) — بومسئله قاتمشدی ، یکیدن سؤالی اولویور ؟

جیل بك (کوتاهی) دوامله — مالیه وکالتی عجاب بونلری نیچون تعقیب ایتمه نور ؟ بو دوهرلرک خزینه نک مالی اولدینی حقنده کی سؤاله مالیه وکیلی بك ، بومسئله حقنده مدافعه ملیه وکالتیه مخبره ایتدیکنی فقط مدافعه ملیه وکیلی پاشا حضرتلرینک بوراده اولماسندن دولای حقیقی معلومات آلامدیغی بیان ایتدی . دیمک که بو اوچنجی سؤالک جوابی هنوز اکیال ایدلمدی . بو اوچنجی سؤالی یکیدن صورق ایچون مشارالیه ک بر یوم مخصوص تعیینیه یکیدن جواب ویرمی لازمدر . بناء علیه بونلردن ایکیسی ضبط سابقه کچمه مش اولدیغندن ضبط سابقک بو وجهله تصحیحی تکلیف ایدیورم .

رئیس — افندم ! هیئت جلیله کزک حضورنده سؤاللره جواب ویرلدی . سائل ایله مشؤل آره سنده جریان ایدن جوابلر کافی کورولدی ، مسئله قالمادی . سری بك دیورکه بوراده ایضاح ایدیلن نقاط ، نافعه انجمنه کیتسون . و نافعه انجمنده تدقیق ایدلسون . نظامنامه داخلیمزده حالا بویله بر مسئله یوقدر . سائل کافی کوردیکی تقدیرده ایضاحات و مسئله بیتر . بناء علیه ضبط سابق تصحیحجه سبب برشی کوره میورم .

سری بك (ایزمیت) — تقریر رایه قونولیه جقمی

رئیس بك افندی ؟

رئیس — رایہ قونہ جق جہتی بوقدر جوانی او کون کافی کوردیکنز .

سری بك (ایز میت) — صور مادیکنز بنده کزہ کہ...
رئیس — بن صوردم ، کافی کوردیکنز . بناءً علیہ جریان ایدن معامله نظامنامیہ موافقدر . ضبط سابقی تصحیحہ محل کورمبورم . ضبط سابقی عیناً قبول ایدنر لطفاً الارینی قالدیرسین ! ضبط سابق عیناً قبول ایدلشدر .

جیل بک (کوتاهیہ) — رئیس بک! ضبط — ابقده بنم سؤالریمہ ویریلن جو ابلردن ایکسی ذکر ایدلیور ، اونلرک ضبطدر جیلہ تصحیحی لازم کلر . (دوہ لرنہ اولدی سساری) مالیه وکیلی حسن بک (کمشخانہ) — افندم! مساعده

ایدرسه کز بومسئلہ نک تنوری ایچون معروضاتده بولنہ جقم . سؤال جواب مسئلہ سی یتمشدر . دوہ مسئلہ سی مدافعہ ملیہ وکالتی تعقیب ایدیور ، تحقیق ایدیور . بدایہ بومسئلہ ایچون مجلس عالیکنزده عمومی برشکلده مذاکرہ

جریان ایتدی ومدافعہ ملیہ وکیلی پاشا حضر تلمری بورادہ اوزون اوزادی یہ ایضاحات ویردی و تحقیق ایدوب مجلس عالیکنزہ بیلدیرہ جکنی ده سویلدی . مالیه آریجہ تعقیب ایدیور . فقط اوراق مدافعہ ملیہ اولدینی ایچون بز ، هنوز بوايشه وضع بد

ایده جک برحالده دکنز ، اوراق و وثائقه مالک دکنز . اولاً استقلال محاکمک ویردیکی قرارلری محتوی اولان اوراق مجلس عالیکنزده در . لطفاً بو حکمک برصورتی مالیه کوندریکنز . مدافعہ ملیہ دن ده اودوسیہ بی آلدقن

صوکرہ علیهنده دعوی اقامہ ایدہ جک برشخص اولورسه اوکا کورہ تعقیباتده بولونورز . هنوز اوراقک معامله سی مدافعہ ملیہ جه اکل ایدلہ دن و بزہ نتیجہ حقنہ قطعی بر معلومات کلہ دن مالیه وکالتی نیاہ جقدر ؟

فیاض عالی بک (یوزغاد) — دوہ ، حییه کیرمز ، قوینہ کیرمز .
یحیی غالب بک (قیرشہر) — ایکسہ نک کوزندن بیلہ کچر .
مظہر مفید بک (حکاری) — مالیه وکیلی بک افندینک

سیاتنی ای ، ہدی ای .. یادوہ لر ؟ ..

جیل بک (کوتاهیہ) — مالیه وکیلیک تکلیفی وجہلہ استقلال محکمہ سی قرارینی بولدیرہ رق مالیه وکالتہ تودیع ایدیکنز .

رئیس — افندم ؛ مالیه وکالتی ایسترسہ اوراقک صورتی موجوددر . دوسیہ سی ویریلر . بورادہ اوراقک اعادہ سنہ قرار ویرلز . افندم اوراق واردہ بی اوقویورم :
اوراق واردہ :

رئیس — چرمیکلی موم بن حسینک بقیہ مدت جزائیہ سنک عفوی حقنہ ، ہیئت وکیلہ دن مورود لایحہ قانونیہ وار ؛ عدلیہ انجمنہ کوندریورز .

طربزونلی محمد اوغلی علینک بقیہ مدت جزائیہ سنک عفوی حقنہ ، ہیئت وکیلہ دن مورود لایحہ قانونیہ وار ، عدلیہ انجمنہ کوندریورز .

ارکلیلی قرہ احمد اوغلی حقینک بقیہ مدت جزائیہ سنک عفوی حقنہ ، ہیئت وکیلہ دن مورود لایحہ قانونیہ وار ؛ عدلیہ انجمنہ کوندریورز .

وطنک مدافعہ واستخلاصی غایہ سیلہ ایقاع ایدیلن جرائم اربانک عفوی حقنہ ، ہیئت وکیلہ دن مورود لایحہ قانونیہ وار ؛ کذا عدلیہ انجمنہ حوالہ ایدیورز .

ژاندارمہ افرادینک تزید مخصوصاتلری حقنہ ہیئت وکیلہ دن مورود لایحہ قانونیہ وار ؛ موازنہ مالیه انجمنہ حوالہ ایدیورز .

مکتب طیبہ دن نشأت ایدن اطبای عسکرہ یہ بر دفعہ یہ مخصوص اولق اوزرہ یوزالیشر لیرا اکرامیہ اعطاسی حقنہ ہیئت وکیلہ دن مورود لایحہ قانونیہ وار . موازنہ مالیه انجمنہ کوندریورز .

مصطفی بک (توقاد) — ذاتاً قانون وار ؛ تکرار قانونہ نلزوم واردر ؟

رئیس — دشمنن قورتاریلان محملرده انشا ایدیلہ جک مسکن ایلہ عقارات ویر کولرینک بش سنہ مدلتہ ویر کودن معافیتلرینہ دائر ہیئت وکیلہ دن مورود لایحہ قانونیہ وار . قوانین مالیه و موازنہ مالیه انجمنلرینہ ،

ممالک مستخلصہ ولایات وقضالر قادرولری ایچون داخلہ بودجہ سنہ تخصیصات منضمہ علاوہ سنہ دائر لایحہ

قانونیه وار . موازنهٔ مالیه انجمنه ؛

۳۶، ۳۷ و ۳۸ سنه لری دیونی حقنده هیئت وکیلده دن مورود لایحهٔ قانونیه وار . قوانین و موازنهٔ مالیه انجمنلرینه ؛ دائرة قضاسی الجزیره . جبهه سی منطقه سنک احتوا ایله دیکی دیار بکر ، بتلیس ، العزیز ولایتلریله ملاطیه ، اورفه ، مار دین ، سیوه رکه ، ارغنی معدنی ، کنج ، موش ، سعرد لوارلندن عبارت اولق اوزره براسقلال محکمه سی تشکیلی حقنده هیئت وکیلده ریاستک ایکی قطعه نذ کره سی وار اوقونه جق :

تورکیه بویوک ملت مجلسی ریاست جلیله سنه مدافعهٔ ملیه وکالتنجه کوستریلرلن لزوم اوزرینه مرکزی دیار بکرده بولونمق وساحه سی الجزیره جبهه سی منطقه سی اولق و صرف عسکری قراریلریله معاملاتنه متعلق اولق اوزره براسقلال محکمه سی کوندرلسی خصوصنک مجلس عالییه عرضی اجرا وکیللری هیئتک ۱-۹-۳۳۹ تاریخی اجتمعنده تقرر اتمکله ایفای اقتضاسیله نتیجه سنک اشعارینه مساعده بویورلمسنى احترام ایلم اقدم .

تورکیه بویوک ملت مجلسی
اجرا وکیللری رئیس
حسین رؤف

تورکیه بویوک ملت مجلسی ریاست جلیله سنه

۱۱-۱-۳۹ تاریخ و ضبط و قوانین مدیریتی ۲۵۷۶ / ۶۳۷۲

نومرولو نذ کره جوایدر :

مرکزی دیار بکرده اولق اوزره تشکیله لزوم کوریلن استقلال محکمه سنک دائرة فعالیتک الجزیره جبهه سی منطقه سنک احتوا ایتدیکی دیار بکر ، بتلیس ، العزیز ولایتلریله ملاطیه ، اورفه ، مار دین ، سیوه رکه ، ارغنی معدنی ، کنج ، موش ، سعردلو الرینه منحصر بولمسنک موافق کورلدیکی لدی الاستفسار داخلیه وکالتندن بیله . برلمکله آکا کوره ایفای اقتضاسنی احترام ایلم اقدم .
تورکیه بویوک ملت مجلسی

اجرا وکیللری رئیس
حسین رؤف

(ایضاحات ویرسونلر سسلری)

رئیس — بو اوراق یکی گلشدر . اولا روزنامه یه آلهلم . بو کون مذا کره ایده جک دکلز . مساعده بویور بکر (کورولتیلر) (رد ، رد سسلری)

مالیه وکیلی حسن فهمی بک — اقدم الجزیره جبهه سنده براسقلال محکمه سی تشکیلی لزومی جبهه قوماندانلغنک اشعارینه عطفاً مدافعهٔ ملیه وکالتندن تکلیف ایدلمشدر . تنسیب بویور برسه کز بونی روزنامه یه آیرسکز . پاشا حضرتلری تشریف لرنده سزه ایضاحات ویرر . اوندن سوکره قرار یکزی ویررسکز . (خایر ، خایر سسلری) (رد ، رد سسلری) (کورولتیلر)

لطیف بک (ملاطیه) — هیچ موضوع بحث اوله ماز . (کورولتیلر)

رئیس — شمعی مذا کره آخپورز . روزنامه یه آله جفز . (کورولتیلر) بو کونکی روزنامه یه داخل دکل یکی گلش بر نذ کره در . روزنامه یه آلهلم ، حکومت اسبابی ایضاح ایدر .

لطیف بک (ملاطیه) — خایر ، خایر قطعاً رد ، داخل استقلال محکمه سنک تشکیله لزوم یوقدر ، خیر پالانما دق اوراسی قالدی .

رئیس — اقدم رأیه وضع ایده جکم شی دوغری دن دوغری یه روزنامه یه آلمسی .

اجرا وکیللری رئیس رؤف بک (سیواس) — بنده کز بو کون روزنامه یه آلتوب بر جلسهٔ خفیه ده مستعجلاً مذا کره سنی تکلیف ایدرم . (رد سسلری) (موافق سسلری)

رئیس — اقدم مساعده بویور بکر ، روزنامه یه آلهلم . لطیف بک (ملاطیه) — خایر ، خایر داخلی قایتولا . سیونلره لزوم یوق .

حمدی بک (کنج) — رئیس بک آکلایهلم . بلکه اسباب مجبره واردر .

مصطفی بک (قوزان) — اوک صره یه اوطوره رق باغیر مقله کیسه نک ایشتمه سی لازم ایسه هر کس باغیرسون ! اجرا وکیللری رئیس رؤف بک بونک اسباب

خیانت وطنیہ دن مظنون خواجہ مصطفیٰ افندی
 حقتندہ عدلیہ وکالتندن مورود اوراق حکمیہ وار عدلیہ
 انجمنہ ویریورز .
 اعدامہ محکوم واعلامی محکمہ تمیزجہ مصدق سلیمان
 اوغلی جیل حقتندہ عدلیہ وکالتندن مورود اوراق حکمیہ
 وار عدلیہ انجمنہ ویریورز .

۲۰ نیشان ۳۳۸ تاریخی اموال متروکہ قانونک
 الغاسنہ دائرہ هیئت وکیلہ دن مورود لایحہ قانونیہ وار .
 عدلیہ انجمنہ حوالہ ایدیورز .

ارغنی لواسی مرکزینک پالوبه نقلی حقتندہ ارغنی مبعوثی
 محمود بکله رفقاسنک تکلیف قانونیسی وار . لایحہ انجمنہ
 حوالہ ایدیورز .

سیوهرک لواسنک مستقل لوا حالنه افراغی حقتندہ
 سیوهرک مبعوثی لطفی بکک تکلیف قانونیسی وار . لایحہ
 انجمنہ ویریورز .

انشآت مازمه سنک دیر یوللرندن تعرفه اصلیه
 اوزرندن نقلی حقتندہ کی قارص مبعوثی جاویدبکک تکلیفک
 شایان مذاکره اولدیغنه دائر لایحہ انجمنی مضبطه سی
 وار . قوانین مالیہ وموازنه مالیہ انجمنلرینه ویریورز .

۲۳ نیشان ۳۳۶ تاریخه قدر بالعموم جرائمک عفوی
 حقتندہ موش مبعوثی عثمان قدری بکک تکلیفک شایان
 مذاکره اولدیغنه دائر لایحہ انجمنی مضبطه سی وار . عدلیہ
 انجمنہ ویریورز .

وان ، بتلیس ، حکاری اھالیسی ویرکولری
 حقتندہ کی تکلیفک شایان مذاکره اولمادیغنه دائر
 لایحہ انجمنی مضبطه سی وار . روزنامه ایورز .

بعض فداکارلرک تلطیفی حقتندہ کی تکلیفک شایان
 مذاکره اولمادیغنه دائر لایحہ انجمنی مضبطه سی وار .
 روزنامه ایورز .

مجیدیه اقسامنک تداولی حقتندہ کی تکلیف قانونینک
 شایان مذاکره اولمادیغنه دائر لایحہ انجمنی مضبطه سی
 وار . روزنامه ایورز . اوراق وارده بیتدی .

حسیب بک (مرعش) — رئیس بک افندی یارینکی
 روزنامه یه دائر استر حاماتده بولنه جنم . مساعده بیوریلورمی؟

موجه سنی آکلاتسون ! اوندن صکره رایه قویارسکرز .
 اسباب موجه سنی ایضاح ایتهدن ناصل رایه قویارسکرز؟
 رئیس — اسباب موجه سنی ایضاح ایچون اولا
 جلسہ خفیہ ایسته یورلر (قبول سسلری) جلسہ خفیہ یی
 قبول ایدنر لطفاً ال قالدیرسون ! جلسہ خفیہ اولسی
 قبول ایدنشدر . سامعین صالونی لطفاً تخایه ایتسون .

ختم جلسہ

دقیقه ساعت

۱ ۴

ایکمنجی واوچنجی جلسہ لر خفیدر

دردنجی جلسہ

بدأ مذاکرات

دقیقه ساعت

۱۵ ۴

[رئیس — ایکمنجی رئیس وکیلی موسی کاظم افندی حضر تلیری]
 کاتبلر : سلیمان سری بک (یوزغاد) ، ابراهیم بک (ماردین)

رئیس — افندم ! جلسہ علنیدر . روزنامه مزندن
 متباقی موادی او قویورم .

عسکری فابریقه لرک لوازمات عمومیہ دائره سنه ربطی
 حقتندہ هیئت وکیلہ دن مورود تذکره وار . موازنه مالیہ
 ومدافعه ملیہ انجمنلرینه ویریورز .

خرجراه قرارنامه سنک اون اوچنجی ماده سنک
 تفسیری حقتندہ هیئت وکیلہ دن مورود تذکره وار . قوانین
 مالیہ انجمنہ حوالہ ایدیورز .

خیانت وطنیہ دن مظنون احمد حکمت و رفقاسی
 حقتندہ عدلیہ وکالتندن مورود اوراق حکمیہ وار . عدلیہ
 انجمنہ حوالہ ایدیورز .

خیانت وطنیہ دن مظنون شارکوی مفتی سابق حقتندہ
 عدلیہ وکالتندن مورود اوراق حکمیہ وار . عدلیہ انجمنہ
 حوالہ ایدیورز .

خیانت وطنیہ دن مظنون تکفور طاغی مفتی سابق
 حقتندہ عدلیہ وکالتندن مورود اوراق حکمیہ وار عدلیہ
 انجمنہ حوالہ ایدیورز .

رئیس — افندیلر بازار ايرتسی کونی مذا کره ایديله-
جک موادک برنجی نومروسنده خارجدن ادخال ایديله جک
حيوانات ايله مواد مشتعله حقنده موازنه و قوازين مالیه
واقصاء انجمنلری مضبطلری واردر . بر هفته ده
اکمال ایدلمک اوزره انجمنه کیتمشدی . کلدیکنده
ایلمک نومرویه ادخالی قرار کیر اولمشدی .

محمدشکری بک (قره حصار صاحب) — رئیس بک!
او برنجیدن کچمشدر ، او برنجی دکدر . عبدالقادر کالی
بکک قانون جزانک ۳۰۳ نجی ماده سنک تعدیلی حقنده کی
تکلیفی برنجی اوله رق مذا کره ایديله جکدر . هیئت
عمومیه سی قبول ایديله رک ماده لرک مذا کره سنه کچیلدی .
رئیس — افندم ! مواد مشتعله حقنده کی قانون
هیئت عمومیه نك قراريله بر هفته ظرفنده تدقیقاتی اکمال
ایدلمک وکلدیکنده روزنامه ده ینه موقعی محافظه ایتک
اوزره انجمنه کیتمشدر . ایکنجی اوله رق عبدالقادر کالی
بکک تکلیف قانونیسی وار .

اوچنجیسی : ممالک مستخلصه ده کی محاکم مقرراتی
حقنده کی تکلیف قانونی .

دردنجیسی : چومره اووه سنک اسقاسی حقنده کی
لایحه قانونیه

بشنجیسی : مکلف سیویل اطبا و بیطرلر حقنده کی
لایحه قانونیه .. بناء علیه بازار ايرتسی به باشقه برشی علاوه
ایتک امکانی یوقدر .

حسیب بک (مرعش) — افندیلر ! بو روزنامه ده
مذا کره ایديله جک موادی او قودق . رجا ایدرم چوق
مهم . اوچ سنه دنبری شباطک نهایتنده تصدیق ایتدیکنمز
بودجه یی ده بر نظر دفته آلیکنز . بو بودجه نك مجلس
عالیدن کچمسی دولایسیسیله مالی وضعیتنک و مال
مأمورلریمزک ده نه وضعیتنده قالدیغنی بر کره کوزیکنک
اوکنه آلیکنز . بویله تاخری جائ اولان شیرله اشتغال
ایده جکمز . رجا ایدرم ، بازار ايرتسی کونی انتخابدن صکره
هیچ باشقه بر ایش ايله اشتغال ایتیمه لم . اون بش کون
ایچریسنده بودجه یی چیقارالم ، حکومت ویرمه . حکومت ده
اوکا کوره وظیفه سنی بیلسون .

دوو قور مصطفی بک (قوزان) — بک افندی تعامل واردرز .

حسیب بک (مرعش) — رجا ایدرم بک افندی
تعاملی احداث ایدنده بز . تدقیق ایدرسه کیمسه مانع
اوله ماز . بنده کنز بونک قبول بو یورولمسنی رجا ایدیورم .
رئیس — افندیلر ! حسیب بکک تمنیاتنه هپمز
اشترک ایدرز . فقط یالکنز بر شکل کوسترمک لازم .
حسیب بک ! هر درلو مسائلی براقه رق یالکنز بودجه
مذا کره سنی می ایستیورسکنز ؟

حسیب بک (مرعش) — افندم ! بودجه نك اهمیتی
جمله جه معلومدر . بازار ايرتسی کونی استقلال محکمه سنک
انتخابندن سوکره دیگر مسائله ترجیحاً بودجه مذا کره سنی
رجا ایدیورم .

رئیس — افندم ! بازار ايرتسی کونی استقلال محکمه سی
انتخابندن سوکره دیگر مسائله ترجیحاً بودجه مذا کره سنی
قبول ایدنلر لطفاً ال قالدیرسون ! (اکثریت یوق
صدالری) قبول ایدلمه مشدر . افندم ! بازار ايرتسی کونی
عینی ساعتده اجتماع ایدلمک اوزره جلسه یی تعطیل ایدیورم .

ختم جلسه
دقیقه ۴۵
ساعت ۴

اجتماع آئی روزنامه سی

۱ — ضبط سابقه خصوصه سی

۲ — اوراق وارده :

- باش قوماندان پاشا حضرتلرینک تعزیت تلغرافه جوابلری .
- مجلس عمومی نك کشادی مناسبتیه بروسه و آطنه والیلندن
مورود تلغرافلر
- لازستان مبعوثی اسمع بکک ریزه ده برسلطانی مکتبی
کشادینه دائر تمنی تقریری
- لازستان مبعوثی اسمع بکک سیرسفان واپورلرینک ریزه
وخوبیه اعزامنه دائر تمنی تقریری
- قیصری مبعوثی ثابت بکک قیصری اولوقشله دمیر
بولنک چستر پروژه سنه ادخالنه دائر تمنی تقریری
- موش مبعوثلری محمود سعید و حاجی احمد بکک قبل الانتخاب
زمان مأموریتلرنجه اخذ و غصب ماده سنندن دولایی حقلرنده تنظیم
قیلمش اولان لزوم محاکمه یی متضمن مضبطه نك اعتراضاً مورین
محاکمات تدقیق انجمننده تدقیق طلبی حاوی تقریرلری .
- ولایات مستخلصه ایچون استقلال محکمه لری انتخابی
مذا کره ایديله جک مواد :
- نواحی قانونی